

На хвалитех стихиры на 6, глас 8: Подобен: Что вас наречем:

1. Стих: Хвалите Его на силах Его,/ хвалите Его по множеству величества Его.

Егда ты пророче чўдный,/ Богу добродетелию и житием чїстым,/ срастворився с ним, ѓбласть приѓм,/ тварь по разуму измѓрил есї,/ и двери дождевныя волею затворїл есї,/ и свыше огонь низвел еси, и враги погубїл есї, // моли спастїся душам нашим.

2. Стих: Хвалите Его во гласе трубнем,/ хвалите Его во псалтири и гуслех.

Ревностию Господнею распалѓемь,/ беззаконныя цари ты изблїчил еси я́ве:/ студныя священники ты уморил еси тѓпле,/ вжег огонь в воде, блажѓнне:/ пищу же неделанную источїл есї:/ и воды Иорданскія милотию твоею прессѓкл есї. // Моли спастїся душам нашим.

3. Стих: Хвалите Его в тимпане и лице,/ хвалите Его во струнах и органе.

Егда ты, пророче, показал еси, на земли яко воистинну юже на небеси жизнь, жизньню сущею в тебе составною обогатяся, отрока мертва твоим вдохновением воскресил еси: смерти кроме на лета лучша пребываеши, на колесницу огненну всел еси, на высоту возвышаемь: моли спастися душам нашим.

Ины стихиры, глас 1, самогласны.

4. Стих: Хвалите Его в кимвалех доброгласных, хвалите Его в кимвалех восклицаня./ Всякое дыхание да хвалит Господа.

[Германа:] Илия ревнивый, и страстей самодержец, на воздухе носимь бяше днесь, всемирнаго таинник Спасения начинатель. О славы честныя ейже сподобися небопарный пророк, и пророков изрядное удобрение! Сей бо во плоти ангел, и безплотен человек показася исправленьми, егоже хваляще рцем: заступи нас, мудре, в день судный.

5. Воскреси Господи Боже мой, да вознесется рука Твоя,/ не забуди убогих Твоих до конца.

Духовными песньми пророки Христовы вси восхвалим: Илия бо Фесвитянин небошественник бысть, и милотию Елисей благодать прият сугубу от Бога: и светильницы светлии вселенней, явишася, моляще непрестанно о душах наших.

6. Исповемся Тебе Господи всем сердцем моим,/ поведем вся чудеса Твоя.

Давидски днесь вернии пророка Господня песньми почтим, Илию Фесвитянина, и ревнителя пресветла: сей бо языком небо яко кожу затвори, и землю плодovitую неплодну сотвори. О преславнаго чудесе! Землен человек, небесем одождити дождя не даде. О чудесе! тленен человек в нетление одеяся, и на небеса востече огненною колесницею: милотию же Елиссею сугубу благодать даровав, царя обличая и люди непокоривыя гладом растлеваает, иереи студныя вся посрами, и вдовича сына словом воскреси. Того мольбами, Христе Боже наш, в мире сохрани православнаго императора нашего, и победы одоления на враги тому даруй.

Слава, глас 8:

Пророков верховники, и всесветлыя светильники вселенныя, в песнях почтим вернии, Илию и Елиссеа, и Христу возопием радостно: благоутробне Господи, подаждь людем Твоим, мольбами пророк Твоих, оставление грехов и велию милость.

И ныне, Богородичен:

Владычице, прими молитвы раб Твоих/ и избави нас// от всякия нужды и печали.

Славословие великое. И отпуст.

На литургии

Блаженна перваго канона песнь 3-я, и втораго 6-я.

Прокимен, глас 4: Ты иерей во век, по чину Мелхиседекову.

Стих: Рече Господь Господеви моему: седи одесную Мене, дондеже положу враги Твоя подножие ног Твоих.

Аллилуиа, глас 4: Моисей и Аарон во иереех Его, и Самуил в призывающих Имя Его.

Причастен: В память вечную будет праведник: